

梁間偷眼燕黃蜂元是竊香人

秋

畫圖展盡瀟湘綠窈窕新詞寫啼竹薄衾笑拂又經年已  
報莎雞入重屋漸施簾幙作深局時看明河步廣庭旋索  
羅衣防露下隔牆聞叫侍兒聲

冬

休願車輪生四角莫向金樽換酒薄門外風號鴈陣低擁  
衾同看殘燈落轆轤敲東鷺棲鷓鴣睡紅笑引燕脂霞未擬  
雕籠問鸚鵡先投宿酒敵霜花

次韻東坡所畫郭功甫家壁竹木怪石詩

大枝憑陵力爭出小幹縈紆穿瘦石一盃未酌筆已濡此  
理分明來面壁我嘗傍觀不見畫只見佛祖遭呵罵人知  
見畫不見人紛紛豈是知公者汗流几案慘無光忽然到  
眼如鋒鏃急將兩耳掩復手河海振動雷霆吼

答吳子友見寄昔與子友同書局以此韻往來人

各十二篇今子友仍用元韻遂復次之各十三篇

矣

憶昔揀題雜梁棟懷璧握珠容抱甕大宛天馬本不羈撥  
耳駘駒援就控撈蝦摸蟹力易盡搏擒絞殺方痛君時正  
射晁董策直把黃金變鉛汞願我衰遲特相子許我過比



儀韶鳳回頭已數六端午幾向夢中自古夢爾來欲述陷  
虜記豈謂書詞情愈重琅：楚虞奏未缺香：燕鴻日頻  
送壯君已赴宣室召老耒未棄畦螟動詩成新月半侵簾  
更聽樓頭角初弄

荅成都侍其純父用其韵

鹿頭閣下花深處竹馬曾尋綠衣路雖知梨栗是生涯人  
道風烟如鄆杜四十年來若斷橋問津無計冷瀟：一聞  
此語心先醉似向江邊笋自燒羨君材器森諸有寶帶垂  
腰今一叟未說嘗開壇上旗且須再遣雲中守從來別駕  
不謀身欲作峨眉會裡人本是文殊親接引定應見慶必

蓮君

蘇子瞻因膠西趙明叔賦薄：酒社孝務晁充民  
黃魯直從而作孝務復以屬予意則同也聊以  
廣之

薄：酒勝茶湯割麝臍為有香斷尾山鷄避文章直材先  
伐甘井竭誰將列鼎移黃梁榜椎草玄反朝白麥葉寧非  
井井食却念牛衣兒女心王郎漫致回天力五湖歸去弄  
煙月仗劍成名空玉雪飲薄酒醉後紛：示何有

又

莫厭薄酒薄莫惡醜婦醜君不見王尋百萬驅虎豹千兵



掃蕩同拉朽又不見高堂笙歌午夜飲明日哭聲喧正寢  
莫厭薄酒薄到頭一醉亦足樂莫惡醜婦醜攜子弄孫同  
白首高飛遠走固亦樂莫林眼前忘時後

過雨飲臨穎何希仲家蒙督詩即席為贈

君不見張子房素書未授祇遊俠又不見蕭望之不能碌  
碌反抱閔漢業已成赤松去殺吾賢傳終感嘆乘時致用  
固不免要須贈繳無由攀八十釣渭濱揮旄仗鉞興難  
臂鷹上蔡市復得不可空多言周傾秦得漢亦起虎噬鯨  
吞鯨觸藩一興一廢竟誰有要之有數歸元々元々亦何知  
為君論子細須將劇並作敵國未信葉公真勇士竊借聲

名名人自歎白公梟首方為是乾旋坤轉只等閑收放僅在  
毫端耳何郎目如電奔驄兒童驚眼光在酒裏一飲黃河  
傾不作么麼貴公子橫行欲得十萬兵吾語何郎少卑之  
犀有角弓麝有膽果知有累不早討抑揚畢竟何所之滿  
酌勸君飲我語無文章鞭笞六龍駕扶桑上朝元君倍紫  
皇霞衣玉簡鬢如霜俯仰八極何茫茫方時與君俱此舉  
如何煩君甕起舞徹聽我歌我歌端為我輩作蠢々方  
類隨江河肯同兒女戰蝸角酒酣兩淚渾滂沱

正旦日大雪過秀州城外聞樂神踏歌打鼓

歲除夜雪一寸許便覺新年喜氣多大觀元年第一日堂



番勝事信可歌，不已鼓聲起漫壑連村如市裏更願雪  
深一尺餘收了去季三尺水

問傅子淵求冷淘醋

子淵自云此法得自逸老

君不見東林木魚催萬指巾鉢紛，似流水銀絲百遍連  
夜具大斛行壘如酒醴又不見親賢宅中午睡足花簇春  
羔銜紅綠一窩隨看髮猶麗妖冶均調笑相續他日何人  
叅智海研乳磨薑搗椒薤便覺廬山落眼中誰為窮遠輒  
相會往還斷絕惟緘默楚遠葷羶味蒼藟親賢勝事不可  
尋且向箇中求一則

善此物

僧家以冷淘醋為羹謂一轉為一則  
目錄話逸老常云我在開先寺時故

五言

雨中自瓜步謁寶覺遂約遊黃社寶覺遽有儀真  
之行雨後獨往夜分方到泥滑路歎乘步相半

夢寢東南遊金山居第一泊船瓜州口風雨繫黑日冒雨  
訪老胡儵然出羅葦壁間十弟子云是王維筆生者今何  
在別有一丈室相期同過之佳思久披拂差池成獨往敢  
憚泥沒膝投鞭望橫參露重衣如失方諸湛漏魄指頽盡  
纖恙目眩神為清壺水蕩肝膈臺，相問勞軟語昏中律  
顏怪不預知有似驚暴客推牙薦爐紅柔脆倚林茁老淚  
感陸生明盤皎霜摘木魚動曉堂永味固南單百季驚枯



搞平日膠在漆幅中行此時歲暮悲蟋蟀

金山寄懷秦太虛用建除體

建古求亡子寓意一何踈除道聲出師老將定胡盧滿座  
語更發誰是囊中珠平生不必貸鮮不相謂迂定分固有  
來跛蟹參乘駒執別終幾日春：瞻雲衢破碎物役爾此  
理君何如危步上傑觀疇昔相攜扶成茲塵外趣感慨及  
不舒收我漏盡景課君種樹書開山一百里玉粒隨香薤  
閉口不復語早晚同歸與

毗陵西城樓感懷

平皋已春風昨夜猶繁霜倦客驚節物遊子思故鄉樓高

白日促遠日空悲涼願言平生歡各在天一方遡遊不可  
從山川阻且長安得一樽酒呬啞共深堂孤懷昔蕭屑壯  
志猶激昂無階際玄護尚期夢池塘蒼鷹在千里怒鬣存  
三湘寒鴉似相求依々度斜陽

秦太虛寄書云想君在毗陵廣坐中白眼望青天  
也因路此語為寄兼簡諸君

白眼望青天我乃厭多酒秦郎才語新高低秀蜀柳春風  
昨夜來傳書自江口固為愁水光物々慙我醜歸程無多  
日僧憲不驚帚投懷二三子自許口不朽笑言忌有累醜  
竿來所有莫問夜如何為君專一斗



維揚會張曼老陳瑩中分韻得柳字

我生固有地物，皆可口身行半天下薦飽無不有讀書  
恨未博索多掣肘一逢可意人似對靈和柳老來益落莫  
永日類中酒北舟得二妙洗盡平生垢恭<sup>事</sup>歆陵春記靈寒  
掛斗雍容送落日百衲為抖擻崎嶇等外驚撇眼自妍醜  
真樂極胡越詎可論不朽昔人固欣慕僅欲操箕帚堂隍  
幾千仞未易窺戶牖逡巡即千里轉盼百年久一笑且低  
回未顏今皓首

姑溪居士後集卷第五

古詩

賀李方叔得眉山玉堂賜馬公自書券云

帝閑萬馬皆天罷一盡是真龍種欲知志氣吞萬里駿  
意向人耳雙竦翰林下出玉堂戒鞍寶轡聲琅琅傳呼一  
聲驚里閑新向庭中賜驕驕明年乞得東南守畫舸西湖  
卧載酒免令此馬老江山故用贈君良獨厚憐君從來家  
苦貧坐令儒士喜意新自書券字甚雄偉作書遠報江湖  
人翰林好士裴丞相相知君亦負玉堂望願君寶此下文闕

次韻魯直留別

魯直詩見前集卷首



維揚會張曼老陳瑩中分韻得柳字

我生固有地物，皆可口身行。半天下薦飽，無不有讀書。  
恨未博索多掣肘，一逢可意人。似對靈和柳，老來益落莫。  
永日類中酒，北舟得二妙。洗盡平生垢，恭<sup>事</sup>歆陵春。記靈寒，  
掛斗雍容送落日。百衲為抖擻，崎嶇等外驚。撇眼自妍醜，  
真樂極胡越。詎可論不朽，昔人固欣慕。僅歌操箕帚，堂隍  
幾千仞。未易窺戶牖，遂<sup>巡</sup>即千里轉。眇百年久一笑，且低  
回未顏今皓首。

姑溪居士後集卷第五

古詩

賀李方叔得眉山玉堂賜馬公自書券云

帝閑萬馬皆天罷，一盡是真龍。種欲知志氣，吞萬里駿。  
意向人耳，雙竦翰林下。出玉堂，戒鞍寶轡聲琅琅。傳呼一  
聲驚里閭，新向庭中賜。驕驕明年乞得東南守，盡舸西湖  
卧載酒。免令此馬老江山，故用贈君良。獨厚憐君從來家，  
苦貧坐令儒士喜。意新自書券，字甚雄偉。作書遠報江湖  
人，翰林好士裴丞相。相知君亦負玉堂，望願君寶此。下文闕

次韻魯直留別

魯直詩見前集卷首



南北二十年短褐足塵垢九仞未及泉竭心志地厚積翳  
開前山月在山之顏目斷兩黃鵠夢寐長躋攀我飯苦多  
噓一見遽出氣定有囊中藥痿人果知起枯槁洗朝露咀  
嚼玉壺冰蔓草豈自得秀發須高陵辭古真有味辨口空  
齒落頰悟孺子歌會當濯其濁允蹈固未見能言人亦難  
得微可齊語引置莊嶽間大路平如掌仁者貴安宅直絃  
為君禪萬里等尋尺何年紀消子相向猶木鷄肝肺已自  
鏤土苴非所知

鮮于子駿用魯直見寄韻因以為謝

雲間彼上人處汗能見垢吐吐向風雅入國知溫厚別來

仰高山霜風刮衰顏新詩解人願調古不可攀練練瑚璉  
姿森森棟梁氣願學固有歸黯然而起此世味淡於蠟狐  
懷冷如冰十年問歸路歌舞懷西陵歲晏感飄蓬老去委  
瓠落豈無杖頭錢斗酒不問濁尚平累愈重欲去亦良難  
安得廁木鴈才與不才間過君本有地悵我將焉宅持酒  
遡家山一望幾千尺何須驚墮葉會當鑿攘鷄風來北窓  
下此况誰為知

次韻子瞻古風詩二首

一

無見晚讀書得之西河場何待少陵詩閃閃已生光深山



秀蘭芽無人方自香未央  
銷千門可知曼修廊俯仰要自得  
犧樽浪青黃惡木熱亦蔭盜泉渴  
湏嘗果能奪固有利害置兩傍  
匪我亦非人用托寧見傷

二

紅爐一勺水湧沸如雷聲  
德君戒終南為君歌采苓水盡  
焰仍裂崎嶇閱修齡由來外一  
重疇非君死生風物托茲世異  
種聊並蒂榮謝等春秋何勞驚  
多計眷後世雄惟有以似

子瞻參寥太虛同遊惠山用王  
武陵嘗郡朱宿三詩韻各有所  
賦參寥錄以相示余將遊焉因  
次其

韻

一

曾為惠山客已寄蒼茫知今幾  
何時常在山間堂淹留情莫  
蟄悵望身疑翔聯翩得秀句右  
殿逢燈光耳冷徹孤神函拂清  
香買舟行有期此興安能忘

二

三子骨已朽來者非一人  
簫聲孤鳳抑按皆清新松陰貯  
光月蘚暈涵蒼磷崎嶇固有屬  
千載無纖塵物吾已矣今昔均  
可旻何當事一塵願水終為鄰

三



膏肓有前人老意繫叢樾差池紛鬢霜味蠟火已絕一啜  
風漱液出思起復減詎慚數及七緇予在明月踈更蹇修  
途景耿重激發冷然儻可御千古同一轍

再登斗野亭次路高韻寄太虛

北舟攬黃氏楚不自平故步聊低回新月微風清蛙聲  
語莫下泡湧浮脩堯何在超世游翳路情難傾西堂夢不  
到春草還復生長年浸枯枿有時懷層城適從吳兒炊又  
作准人烹皇、徧諸侯吾人愧安行獨抱照乘姿花枝似  
相明拂衣歸待旦南州逢顧榮

秦太虛出魯直所寄詩因次其韻

別子又春杪幽懷誰與譖返復事遠途繚繞如理綿家山  
雖入眼尚疑隔晨烟破悶得子詩鳴鷄還到船追隨日苦  
短容易悲長年猶能共一轍植足臨天旋下澤政有味万  
戶自我捐唯有不捨心常如俯奔川

次韻家室送別

幾年保新阡託身斗一方間語得野人禾麥共登場遷踈  
儻可老持鬚時抑揚顧非馬上才犹懷袖中剛西風蕩微  
氛仰視明星光叩齒咏真主白眉誰最良師門守邊鑰表  
表南方強逋誅百年寇敢謂莫我當北鷄父司晨群吠移  
當陽葦羶固難律誰可無宮高堂發天机有鉞左仗黃



一旦會風雲果知籌策長洗滌盡餘滓萬翼爭回翔能無  
出囊穎反顧箕子傍平生慣草衣豈堪事戎行強歌出塞  
曲天矯參龍章蠅因逸驥連馬為奏瑟昂尚期驚鼓操奮  
力起病床賀蘭奪故穴安西還舊疆婦千萬壽重膺庶事  
康

和參寥過敝廬留宿因見寄之韻為謝

及此仲春月頗欲謝遠步世味久已疎何憚魚生釜青陰  
合廣除似失北門路端如雞在埘未媿豹隱霧飄蕭方外  
遊繾綣慰遲暮共待清光來軟語坐良樹呼風破炎蒸扣  
齒却妄慮逡巡棲鳥驚不記衣上露臨分期屢來此樂復

誰與

送孫叔靜

浮雲無定着乍合還分離廓開萬里天好是無雲時我懷  
若蕭屑多感不自持柰何情所親容易成南飛秦人雖受  
齷睨柱誰瑕疵空能九賓賞終負連城婦此道固有命如  
君應未遲且從淮上游霜濃蟹螯肥載取一樽酒里門相  
扶攜笑語欲難背古人良可期開編若對面謔浪尤相宜  
皎皎澄漢月森森瓊樹嫩燕地重郭隗吳兒輕陸機曉來  
猶薄露會見高風披

次韻黃魯直晁克民遊馬頰婦



洋：引天津端悍誰為寫謀藏袖所勞寧築限修野緬懷  
二三子感物寓土宜邛飲東貂裘指顧來其下霜風面欲  
黎踉蹌倚羸馬一笑等飛雲吾生竟何者

次韻晁堯民黃魯直蘇子瞻同賦半繁字韻十往  
返而不倦者

耿：萬里心振衣常夜半明星當戶高仰首每自嘆是身  
回虛空殆將等閑玩永懷一寸光有之詎能散南山富巖  
薇采：寧待伴不媿郢中曲誰報青玉案千載北窓風鄭  
聲何可亂子戢若崎嶇垢指寧與盪我慙老更拙欲和知  
良難但能襲餘塵未易窺重關踰年與君俱終此意少寬

柰何捨我去鴻鵠隨蹇持岑樓起膚寸萬仞始一拳知君  
未易量願君更加飡親髮日益白何以為親惟以義不以  
時吾君正求賢只尺明光宮我：望君冠

寄范七平涼有一擾者頗相似每見即與從容聊  
遣吾思之不能已也喜施朱常陋其過

吾友范君誼宛似丘遲詩點綴花映草：長鶯亂飛詠詩  
知吾不：個人想其時不知胸中寬西域方鞭笞昔為守禦  
策堅壁不容雖今作進討計萬里入鼓鼙相從昔日短既  
別恨見遲雖無老成人彷彿頽頽兒每見挽與語問我將  
何為我非濁子者吾友實似之典刑不可見况復堂上奇



邊城氣候晚四月猶夾衣青燈照冷坐素目披重帷孤懷  
苦蕭屑人事終難期何當命典刑一笑相淋漓

浴

靜坐已十日聊復資一浴我髮不滿梳安得別置浴暖湯  
連頭澆快哉如出谷我生本離垢妄念即桎梏外物強扶  
持何異雨中竹亦不無兩虧亦不有兩足森々自然往無  
榮亦無辱振衣步空庭又見黃梁熟進退莽何從晨羞詎  
宜緩叩齒感覺吏虛心豈魚貫乃知抱關者俯首固非懦  
烈日下嚴霜盃水沃熾炭物理自回旋何方即吾館年來  
老類逼四月未覺煖勉力更無念已矣見此繫

第六郭將求詩久未暇今以寄之

烏延一揮手歲月如奔流誰知頭半白重見須雙蚪面冷  
龐一跌氣雄吞九州門庭外雖設毫髮終無留此特可見  
者如君實難求人固不易親而我獨見醇半年話疇昔論  
極非謬悠但云置是事可質為冥幽功名本何為入手如  
上鈎我每壯其言心肯屢頭別來已七月悵望逾三秋  
近聞復此來只尺不相投元戒奉天詩知與造化謀化城  
兩突直控咽與喉又斬萬餘級少快姑暫休此銳且就  
養彼生豈容偷君謂乃吾射含笑纏臂鞞今秋取天祈明  
年入興州遂復都護府再見萬里遊汾陽異世勳子政如



綴流未或便相襲且作伴升侯

送靈臺尉徐舞舉

靈臺右鷄身南北兩山間我來春未幾紅葉綠  
班與君  
早相求携手問兩山折花飲清泉共此一日閑君才真健  
敏詩句如芝蘭娟好秀且靜馥郁若可餐

姑溪居士後集卷第五



姑溪居士後集卷第六

古詩五言

赦到後兩遂大作

昨夜聞有赦今早遂得雨  
天澤隨君恩一灑遍寰宇  
彼玩尚逋誅吾土久未還  
皇靈實神謀剪復笑談間  
崢嶸若化城掃蕩如破竹  
開田一百里得土十萬族  
不兩三四月隴畝猶燒畬  
禱祈畧無應居哭行嘆嗟  
豈知有此待城就師振旅  
上不輟板築下不妨野處  
秋種蓋未晚及此壯者歸  
惟呼各著業賣刀買耕犁  
山頭夜叱牛山下婦亦斲  
老稚勸勞莫歸宿待我土盡  
墾俟爾日有餘歸來笑相  
向共樂



生無虞又聞赦書中逋欠皆除免更放一年租其細及移  
變天公因愛我吾君豈違天乃知父子間事必關連野  
人語可書使我喜不寐誰謂彼無知况欲迷向背我歌本  
民言未愧中興詩聞者足以戒可是轍趨時

端午睡起和韻

豈復記佳節飽食睡亭午雖不負此身倦聽亦良苦念初  
入此門只作十日數那知如忍炎倏尔到角黍本非來質  
黍蓋異行恣楚端為城旦拘獨與縲紲語深坑偶未埋大  
鑊僅逃糞淨持諸願力妙地叩初祖會當縱奔鹿遂與搏  
猛虎塞余愧平生何適非齟齬

大雨

向晚雲驟合雨點如車輪入夜勢轉暴對面語不分初疑  
坤軸裂漸覺河海翻傾注恣豪講瀆莫吐吞平地忽五尺  
呼叫均四鄰下堰上輒隙東塞西遽奔一身應百給坐卧  
不得存申旦自秉錘力意已昏念茲噉之農拱手過一春  
入夏又将半寸苗無宿粮祈禱倍衆伎香天九閩飢殍  
漫狼藉極目無烟村及此滂沛澤一洗瘡痍痕勞我敢有  
詞故喜氣已溫置酒會賓客耕轍翁孫兩年非可期我責  
亦粗神欲赴固踴躍感慨局重門

睡起



數日不吟哦已覺舌本強熟處自難忘是乃真苦相簾空  
睡起足物我兩俱喪舉頭見南山依舊禿相向解衣透屋  
行未巾已踉蹌翻書試遮眼一抹如白浪目足身所先二  
者輒相抗生理從可知何用更惆悵獨有梁上燕憐我本  
癡憊時々作好語似欲致勸相見爾初啣泥生子已頽頽  
而我犹未歸茲事固難諒安用苦煙 無勞獨悽愴俯仰  
即陳跡未易煩度量一搏試有求傳來如鵲盜垣昧毒酒  
酷猛醜投晚餉倦懷豈復有舌爛腹斗漲抱薪救烈火自  
取將誰讓夜分方半生步過逃屬續

試郭底泉和韻

午睡不覺久起坐獨捫腹眊眊苦相魔眩瞽遂為族永懷  
建溪春偶爾得藏畜品第雖非貂犹勝狗尾續虛堂無纖  
塵百轉紛擊筑破碾瑣髒胎屑紛隨輪蹙被褐而懷璧凡  
眼真藜藿聊資定碗黑豈待無托綠久聞西城角有泉堪  
寒玉名因所居傳廣惠終可僕殷勤持小罌甘瑩來一掬  
蟹眼方轉旋色味相芬馥邇來棘荆生未易梨栗熟一啜  
便起勝庾愁空萬斛

晚起和韻

今日起差晚持課幾到午饑飽雖難醫葷酒且入務脫粟  
快一鉢白眼視寰宇回知等浮沉要在極纖縷聒耳林鳩



喙舉頭梁燕乳我亦盡輪回何必高下教縟懷故山中泉  
石漱深塢萬壑響松風千岩澄月露胡為不歸去乃與朱  
墨與只記入門時未有還家路我生詎應爾炳々莫我顧  
彼心豈易同吾首肯易負仰俯

讀淵明詩效其体十首

歲月忽云徂人事只如此胡不及此時斗酒勞隣里有田  
半荒蕪有屋亦傾圯強顏賓客後畢竟如何爾

二

淵明棄官歸議者見各別去就須有名豈獨為卑褻折腰  
分當爾柴米豈無說舍彼而處此亦不苟自潔

三

扶疎草木長茲時豈無情未論身得去想像心已清童山  
久不雨湯熱氣鬱蒸遣懷一開卷便覺涼風生

四

操檄烏延府已復十五年々當三十餘事々隨精堅非惟  
膾興灵蕪欲還函燕誰知今白首獄吏輒差肩

五

晚來風稍回漸見布陰雲乘時得尺雨吾農實難勤不願  
生邊地報施豈無因我雖不在事未能忘戚欣

六



用舍繫臨時金玉與蒿萊塵埃混瓦礫燔燎參博壘何云  
長興公陳迹歸後來一跌竟不起念之有餘哀

七

我聞瘡瘍地去者無生還吾兄三十口歸來盡翻顏死生  
非人能得喪亦非天張毅與單豹要之皆偶然

八

朝從空擔出莫逐顏顏歸既謝爨無烟此外將何為堂  
十六年子孫反無依莫作如是見隨遇聊差池

九

吾亦愛吾廬此亦未為得死即痊路傍要是不免或隨流

認得性有念乃吾賊是以方丈間千偈終一默

十

吾友傳子淵每見常熙人固莫我高我固不人依問其  
何因爾我蓋不自知孰為第一義只此是菩提

烏牙義禪師退居金陵予與之都城之舊能詩喜  
說修養年七十餘貌類三四十許人以詩道舊因

次韻報之

幻化如空花建立等修竹四海不離身一笑長滿掬相逢  
亦何有展轉犹而獨攀緣過九上圓瑛擊一宿歲月屈身  
臂到此非門卜心清聞妙香老句俱三復何當會實際超



然發吾覆未爾且逡巡更待梨棗熟

五雲觀

五雲會中天衆山如朝宗相臣夙有約標神期此宮傍有  
洞天接面直橫金峰常言五百間斯地將修崇廢興果冥  
符變化如雲龍緬懷祥符後天意固莫窮一言不可復此  
興犹未終知國如知葬尤難邀此翁

崇壽宮梁昭明太子修行之地

鴻禧已不允崇壽氣尤古經始天監謀餘力保大舉十圍  
人何在烏鵲尚如覩井泉翳荆榛像設半塵土視今犹視  
昔一笑終仰俯有媿而坐峯安得參鶴羽

喜客泉

取徑輒林莽得地三尺餘名曰喜客泉客至如湧珠初驚  
一穗起逡巡周四隅酌之甘勝醞淪茗尤敷腴物理不可  
詰感嘆常躊躇於焉知福地未易世眼拘

撫掌泉

泓渟宿寒藻正占山一曲平時常湛然撫掌珠可掬喜怒  
去千里氣類若相屬如何輒示異乃爾分遲速霜風鼓索  
簫巖樹響絲竹語出若有答路轉疑絕續幽尋力恨短博  
採日苦促便擬寄無餘捨策遂留宿

白鶴觀



白鶴不復見，荒臺煨燼餘。昔時三茅君，鶴駕常相違。一歲許一會，此地幾其廬。倏然自一境，歷攬莫與俱。兄弟兩羽人，玉骨太古須。燒丹云未暇，彈琴聊自娛。日貯駕鶴來，寅緣忝玉虛。身世久已忘，况復話里間。

九錫庵

強臣欲竊命，九錫乃所僭。柰何得道人，亦復有此驗。是非固不同，等欲示其漸。石地鑿龍趺，穹載極該贍。漫減半可讀，以是表龜監。名存物何在，遺製不少欠。帝意豈無謂，人事徒妄占。何適非偶然，隨遇姑弛擔。

華陽洞天

洞天此山於此竇，第八東將秦嶽連。西與岷峨軋，磴道端可通。足亦若相憂，我欲踵其武。昔徑特見滑，屨試輒復却。宛似物所遏，周行半天下。是等三四閱，有無終可疑。雷同慙小黠，退之固頡頏。桃源蓋強說，卒謂武陵傳。何殊眼着楔，孔子亦獵較。此理信難鞅。

玉簫庵今名天聖庵

白髮不我貸，青山亦世情。斧斤借羨力，遂易當時名。吹簫人可想，有念應難平。從茲定相忘，那更隨虧成。松門挿天半，竹逕梳晶瑩。所期茅茨永，丹碧雲願營。含悽振落日，拊事悲頽齡。吾生儻與歸，境界滋光明。



陶隱居書堂

山雲自往來人事久蕭索誰為神小松記此常棲泊坡陀  
披淺麓窈窕帶遠壑著書方呻吟誰與會所樂鸞鳳耿莫  
追歲月儼如昨隱約玉簫聲憔悴金七藥風來萬籟奏一  
笑竟難約尚友徒此心相期在廖廓

姑溪居士後集卷第六

姑溪居士後集卷第七

古詩五言

北都文承制移竹贈初秀才堯民有詩因次其韻

一

古人偏愛竹種不虛一席相將共忘年敢憚培且植君家  
占何方容易來秀色雜草出明軒儉然聳修碧剪稍畏風  
摧留葉期鳳食從茲兩翼足閉戶忘所適

二

增築貴堅厚抨繩避歌側朝灌暮復壓深虞枯易得勁節  
既能主百靈遂為客風微吟疎簧日永齒客履此况倘可



陶隱居書堂

山雲自往來人事久蕭索誰為種小松記此常樓泊坡陀  
披淺麓窈窕帶遠壑著書方呻吟誰與會所樂鸞鳳耿莫  
追歲月儼如昨隱約玉簫聲憔悴金七藥風來萬籟奏一  
笑竟難約尚友徒此心相期在廖廓

姑溪居士後集卷第六

姑溪居士後集卷第七

古詩五言

北都文承制移竹贈初秀才堯民有詩因次其韻

一

古人偏愛竹種不虛一席相將共忘年敢憚培且植君家  
占何方容易來秀色雜草出明軒儵然聳修碧剪稍畏風  
摧留葉期鳳食從茲兩翼足閉戶忘所適

二

增築貴堅厚抨繩避歌剗朝灌暮復壓深虞枯易得勁節  
既能主百靈遂為客風微吟疎簧日永齒客履此况倘可



期吾甘事潛然晉人知自完皎々良未息不披謝紛紜斯  
言愧安國

離穎昌張聖行獨出城相送

黃昏促征鞍別酒已沾醉風威危破臘雪意欲着地絕然  
氣類人送我奄獨至懸知必如此終恐欲弗類平生昧  
宿恍若得所詣胡床十餘語彷彿京口例此言固近俳要  
之不無謂夢覺犹在馬解鞍定何地百年誰見宰一已乃  
許事繾綣兒女情回首端自愧

夜投臨穎陸周仲館待甚悉

冥行眼忽明乃是到臨穎倦馬倚風嘶凍僕望門逞初非  
敢此期勢逼豈容頌是身雖無難從者固當省主人頗料  
理燈燭分炯々熾炭解噤頤重帷護寒領招魂幾剪紙感  
惠非尚聚聚然一笑開那復嗟斷梗我生且莫落隨遇輒  
自警轉盼已歸空區々徒畫餅

明日阻雪不得行蓋冬至前一日也

纔冬即欲雪醞釀非不久旅館黃昏風半夜忽如晝天公  
特譴戲不在我先後兒心見期心只尺弗得就密洒良未  
已兀坐幾忍灸遂令相違心感慨若奔湊紅爐慘無光短  
氣猶發謠况茲嚴報本供衛何所售風威果能神排斥勿  
宿留非獨寸草榮萬里同錦綉



三家店主人勸飲

早飲欲過午感此去路遙解衣酒家床主人喜相招逡巡  
出鉅釘勸我飲一瓢舉手謝慙慙宿醒犹未消報言雪滿  
野征轡相無聊何如酩酊去便可忘今朝年來頗解官徑  
欲隨所避端倪五漿期未覺群心搖偷薄日益窘妙論輕  
鴻毛何當受一塵醉到同漁樵

得常州感慈和長老書求詩兼寄鄰老

清晨得君書遠意來吳中開緘一見面顏覺百慮空書詞  
若蕭屑怪我情不通我豈逐物者君亦如冥鴻便當永相  
忘何計駟與驄聞君奮矜摠喝下分華戎曉魚會千指一

一麻中蓬朝參月破牖暮請燈在籠坐令萬折異沛然俱  
向東緣契乃如此想見圭壁叢胡為特垂手千里尋龐公  
龐公無伎倆只這是家風後知多聞師亦在兜率宮人間  
最勝處何必顏如童會當謝朝謁爛漫遊無窮

子重相率遊任園

踏雪入窈窕蒼蔚如深春左右無佳色老綠不改新小榻  
茅茨下園翁叙慙慙主人謂此翁好事絕等倫養生惟養  
花種之皆躬親每到二三月爛漫如錦茵問翁何所有品  
目如何分翁云世間本搜採無遺根牡丹三萬株蕪取洛  
與陳芍藥楊州來家之接魚鱗雜花極目是莽不知涯津



四序更代謝顏之常相因我來適非時猶得聊逡巡約翁  
待花開許我論主賓

獨坐有懷張聖行王成伯偶讀摩詰詩因借其韻  
老鶴志千里候蟲戒三秋此理定如何宛在中洲我師南  
榮生去從知北遊歲暮良鮮歡不如狐首且寒燈伴岑寂  
河漢窻間流緬懷復白壁路斷水悠悠摩詰頗解事好語  
供我求坐令不可遣奄然隨遇收歸呈只且暮妙義思磨  
酬君謂我輩人吾匪期人儔且將有限力相與窮深幽

久旱秋舍殆不可遣免一夕雷雨忽作

半夜一濯雨斷夢失炎蒸汗旣不復鼓蚊雷為之停逡巡  
萬竅號破憲風如傾締惟強主宰庭砌已滿盈拯護老推  
奔惟呼閭里情但覺萬里帆浩蕩隨滄溟掠眼纔閃爍劈  
耳俄掀轟豈暇計飄溺且護嬰兒驚小休月在戶却視斗  
挂甕唧唧與啾唧次第先秋鳴粵從臘雪後早魃自明焦  
枯病三農芽田不滋榮隴畝半折裂几席饒蠅蚤端若一  
大難耗焉猶宿醒點我讀書燈涼宵聊與征底幾簡牘中  
暫寓變觸爭

大暑不可逃偶僑教友過湖上清坐抵晚因詠老  
杜槐葉冷淘句凡十人以君王納涼晚此味亦時  
酒得須字



百年觀不足一日樂有餘况茲夏日長而與君子俱號呶  
謝呼笑談論皆詩書門外方爍石坐上如水壺仰懷冥  
鴻俯愧我、魚我老百不堪嗜好終蒲菹殷勤相得心黃  
昏尚躊躇追隨自此始莫厭頻招呼何必得美酒然後可  
將酒

張聖行解官入京僚友餞別分韻勸酒得醇字

密雪不着地朔風煖如春天公豈無心慰此東歸人吾人  
晚相投每見每更親踰年稻梁俱未覺但暮頻欲識分淺  
深蕩、風中雲問其美如何表裏無淄磷深湛子雲默高  
廣太丘真汲、惜日短奄茲奉離樽莫辭十分斟酒薄情  
則醇廉幾一舉盡涇渭從此分萬里自只尺百歲均塵埃  
行人定何適他年期問津

常州感慈邦老相遇甚款聊復申叙

十年不相見一見情愈親執手語半塞但覺頻沾巾別來  
事多矣未易只尺論感君冒兩喘知君意彌敦邀我過其  
廬燈火如春深金碧炫境界恍然驚一新為我時置浴仍  
為加祥殮止我未飢振我衣——上塵何勞強剪紙已復收  
斷魂添爐接隸坐軟語尤殷勤閱我憂患餘漂泊纔此身  
勸我葬且居生死相與鄰清晨陟高座四衆如雲屯展轉  
叙契濶博辨河海翻句、不妄發信矣灵巖猿歲暮能幾



何纏纏誰我温非君美無度涇渭那更分相期在來日擊  
節徒諄：

句容澄上人群玉軒求詩

日、不離山愛山終不厭因地端有來及此若尚欠當軒  
出嶠岬昏膜遽効砭枝撐簷楹窄明滅烟雲變幽禽時一  
鳴隱約隔天整早聞群玉峯世境未易占却應三昧力易  
致茲可驗便疑絕高深兩足恐不瞻幻化浪攀緣膠擾寤  
囊搵會酒揮清風方暑對枕簟

送忠禪者詣徑山請普覺住天寧萬壽新刹

我初遊叢林得人如滿月細披雲霧間挂影若可撥旋

二十年相半分會別莫逢喜可掬妙語等冰雪告我第一  
義光艷忽振發老魔俱辟易善類隨擊拂是真萬里足一  
步安能輟徑山 雙靛夜氣尤昭徹異時摩耶老薦藉意  
甚切子果識至人指碩石必裂出我連城珍郊廟冠前列  
無令別足翁三獻文為拙

因服藥飲酒一盞

東坡在黃州飲酒只飲湿我今又過之醪漿和醬汁平生  
不喜酒興未且莫繁長虹偶爾於因復投一吸入口舌欲  
脫下咽蟲爭泣燭心腹將裂宰、淚莫裏頑涎雜血唾心  
悸如鼓集幸尔無一事荆棘強自入主人固好士僚友亦



素緝如何似見毒使我卧復立彷徨日欲落稍覺困眼滋  
夢覺天未明齒頰犹習：是邦居不非奈此掩帟及昔聞  
禁酒國今見毒酒邑作酒寄一笑倦問聊救急

寄何德國

元豐初得君賜袍色可摘雍容戎馬間爽氣凌秀色十年  
不相逢額頭已有白京塵化人衣歲月動阻隔夏屋如深  
山排日許聯席坐中多可人一笑每墮情人皆指為誇我  
筆日所惜予今已三見爽氣若初得同言胡乃爾前至作  
嬌客遣城久不雨旱氣幾磔石俯仰數刻間只尺便南北  
寄聲不敢輒問評莫我獲但問深閉門鴟坐較定力護林

舊家風靡老真消息莫作分別想認子却為賊開門會有  
日聊復鋌戈戟准擬詰朝見無或但堅壁

燕子和韻

依、梁間燕終日密相對本不欲爾期何為尚此會得非  
緣所遣又恐意有在飛來復飛來好語如滿瀨我亦強維  
繫爾豈知向背萬事杳鴛間一嘆沉吟外玄妙第一義為  
爾除障礙卷簾見天下始信物有大

次韻方叔晚過湖上時積雨新霽夜色如畫傳聞  
余有興元之命

醜水投過日佳思生襟裳緬懷江上笛相遊共胡床星月



弄疎明草木來遠香所得亦鉤爾端能謝西涼

方叔并用前韻復繼之

蕭然傲環堵信性懶衣裳巾坐定何許井井書滿床我每  
不欲去鼻觀無盡香未始有寒暑彼哉自炎涼

姑溪居士後集卷第七

姑溪居士後集卷第八

律詩

讀東坡詩

邊州守禦謝沈機獨喜身閑是道師獄吏難堪非素料病  
懷無計復何辭空慙南郡三年學賴有東坡一集詩永日  
風埃惟愜睡列頭不比在家時

次韻見寄

一

矩難成方圓難規倦途誰與相多像門深不擬睡教熟舌  
強徒防語或技無事且尋黃面老關心休問碧雲姿此身



弄疎明草木來遠香所得亦鉤爾端能謝西涼

方叔并用前韻復繼之

蕭然傲環堵信性懶衣裳而坐定何許井井書滿床我每  
不欲去鼻觀無盡香未始有寒暑彼哉自炎涼

姑溪居士後集卷第七

姑溪居士後集卷第八

律詩

讀東坡詩

邊州守禦謝沈機獨喜身閑是道師獄吏難堪非素料病  
懷無計復何辭空慙南郡三年學賴有東坡一集詩永日  
風埃惟愜睡列頭不比在家時

次韻見寄

一

矩難成方圓難規倦途誰與相多像門深不擬睡教熟舌  
強徒防語或技無事且尋黃面老關心休問碧雲姿此身



未必終如此 日犹吟十首詩

二

東坡流落坐多言我欲無言亦未全  
好辯懸知非獲已力行到底信為賢  
抱琴有味無彭澤沽酒何妨問玉川  
只擬歡呼出門去強廢置網豈當然

罷官後旋營居舍寄贈存之

常恨官居如傳舍愛君池館葺初成  
偶因罪垢歸無計聊喜私巢得整營  
闢戶開窓留晚日栽花引水趁新晴  
此身何處不可老况有吾人似弟兄

次韻見問

東西南北為誰忙蔡澤歎吟舊笑唐  
路斷不妨頻打睡心清何必更燒香  
尋思有似黃州味潦倒休嗟白髮郎  
近免竹筒拘月費主人時亦破惺囊

五月旦日

睡餘落莫肘難支節物依然我自衰  
已悟龍蛇終不與何須龜筮強持疑  
孤懷佛語雖能遣歸路佳人已歎遲  
共弔沉湘無數日却嗟輕負習家池

晚雨寄涇州劉晦叔

晚來又有數點雨聲入鄉人拭淚中  
漸喜濃雲初蔽日只愁深夜却回風  
悶憐焦稿非無意祈禱精虔信有功  
聞不



茹葦幾兩月使君憂樂與民同

端午

一

絲絲百縷認<sup>細</sup>為佩艾葉千稟結作人獸勝何妨兒女戲漂  
流不覺歲時新清歌尚記書裙帶舊事安能吊放臣角黍  
澄團矜節物一樽聊與寄逡巡

二

曾約佳人端午婦又期僚友面南池誰知旣阻重門鎖未  
擬輕為故國悲九節菖蒲應好在十圍樽木正相宜微行  
細約寧忘我却話今朝會有期

傳子昌端興州

嘉陵江水接天流州據江流最上游惜昔練衣隨跋馬而  
今白髮任虛舟慶門譽望聞來久塞路殷勤得暫酬見說  
明朝却西去長亭揮手恨無由

余入院二十日相知往々寄聲相勞獨何德固寂  
然無聞

何郎本是風塵外平日仍同般若因有底新來便如此定  
緣何事不相親薰蕕何得同蒼筤簡潔安能別孟津會借  
天河三級浪終湏流出舊精神

留別子淵



等閑相見即相親冉：風流一段春未論典刑思舊德便  
知材業是當仁他年難忝情無限此日詞章筆有神落盡  
節旄纒未厭疾風勁草定何人

送馮子莊赴秦州將官迂其督詩之語以廣篇首  
我詩易得君休嘆君節難攀我自知問會但嗟歸有日奏  
功方看獨先時簫笳部曲催驕馬綿繡山川入綵旗莫訝  
黃金偏滿手架生平日是男兒

重治寢榻更衣蔬食

五月相將又下旬依前涼院度黃昏頻看嶺路占家信旋  
完簾旌作燕門斗藪衾裯防垢穢滌除瘞氣斷兇孫不因

向食脾難磨且欲從今習菜根

周臣約過景裕第會飲先寄此詩卒章因以投誠  
也

懸知昨過鄰家館更挽明璫問玉釵雖喜黃姑論隔歲偶  
陪摩詰事長齋嘯歌朱閣雲間接鶯燕難遊席上猜預悵  
醒：獨回馬何如為賦酒如淮

次韻題隱居叢

隱居何必在山叢境界全歸指顧間能把軒裳為外物便  
應風月勝醜顏地連紫禁千重邃石繞清泉五色班從此  
夢魂猶可到定知衰廢不容攀



次韻見懷

林泉廢疾固難除，  
舛稜寄夢餘已謝東山知不免。  
由北海本來踈功名謾笑乘軒鶴，  
事業終歸種樹書聞道。  
江樓巢已穩未慮長缺歎無魚。

次韻病起

天時人事不相尋，  
遽食蒸豚廢古吟。  
雖感親顏前約短，  
常知聖日後緣深。  
風雲疊疊天邊路，  
霜露惜惜壁上琴。  
我亦臨風頻拭目，  
看懸金印到山林。

次韻子椿見寄

一逢佳節一消魂，  
青徹江山綠滿園。  
又把鋤犂聊自遣，  
却

嗟身世獨難論，  
三鍾切幸資三徑。  
九奏時猶夢九門，  
勝處何能偏見憶，  
便應佳思襲香蓀。

次韻子椿同閱聖源吳思道贈董無求有懷米元章

海嶽仙人不我期，  
碧雲幽恨獨心知。  
坐間優孟已難別，  
筆下羊欣更出奇。  
自是人才空立異，  
當知臣叔本非癡。  
重輕到了存公議，  
揮扇何勞強執葵。

次韻思道子椿題仲強榑亭

王門平昔早相求，  
幾向榑亭得趣幽。  
從別風光應似舊，  
每懷勝麗只搔頭。  
塵毛抗論傾終日，  
玉指拈花泛晚秋。  
老盡



鄒陽還憶否  
客移空自感  
歲年

次韻于椿九日登高見懷兼呈君俞相約尋春  
重陽曾記客京埃  
江國相逢又七回  
感舊只如春夢斷  
登高未許壯心摧  
方嗟陳迹何時見  
底事新詩到眼來  
便好扶攜披節物  
猶勝落木對空壘

次韻關聖源送董無求

何勞楚些為招魂  
是處春風似辟園  
可復京塵難共樂  
却應江月要深論  
燈花昨夜占行館  
鵲語今朝報里門  
想見慈顏問行李  
一樽浮蟻侑初蓀

次韻聖源無求兼懷元章

羨門不見久安期  
流水高山獨我知  
門扉踏穿行復爾  
靈丹採活信能奇  
換難得辨纔三紙  
恐終還是兩癡  
不用艱難成發塚  
紅樓親共賦烹葵

次韻思道送董無求兼寄思道

翫辭從來不易傳  
低徊身世亦悠然  
離群斷鴈難難偶  
得兩明珠豈待求  
強挹餘塵時琢句  
閒尋陳迹自經丘  
清時醉尉知何在  
似是人多識故侯

和人臘日

又聽村鼓鳴年豐  
物阜慶清平  
星霜陡覺歲華晚  
時序祇傷今  
古情裝景雪花飛點  
催詩雲葉亂  
英自慚



伏臘尤多誤和語煩公子細評

題壽椿軒

江左風流不乏人能將佳思洗塵埃坐中煒燁當時士庭  
下扶踈上古椿日永清陰恕鵬翼月明翠影開龍鱗雲泥  
路絕無由到猶欲乘槎一問津

次韻米元章

躋蹙生涯可否間強扶衰緒欲觀瀾蓬生雖託麻方直器  
就寧嗟木是蟠晚寄鄉間端有謂時容難泰共論歡連城  
未薦誰非璞莫與堅珉一眼肯

仲容李澤遠來相訪感往念今悵然有懷

異鄉流落十三年老日從誰寄往還久嘆斷蓬飄世外忽  
驚連壁下雲間生涯已約同他日詞筆端能慰暫顏准擬  
新秋便相見為君終日倚柴關

書王子重開軒壁

經年問疾謾持想今日登軒念自空不能碌々遽如許定  
應剪々將無同人啞渡口似以步木落沙頭疑渚宮莫辭  
眼力徧沙界回首臘盡還春風

同子重望長蘆寺

翠堵波寒對水東坐來初報夕陽鍾回環榛柘疑無際咫  
尺雲烟隔幾重聽講有心陪寂寞杖藜何日許從容主人



境界諸緣盡應笑規、着畫龍

陪子重遊長蘆寺

行來思住覺城東粥飯隨緣早晚鍾安得心田荒萬有便  
驚眼界失千重笑談喜接真摩詰衰病休嗟老曼容餽飲  
殘羨應不惜聊分水墨為成龍

德山方老退院索詩送行即席口占

應供都城今幾春屢陪香火是前因偶來清漢堤邊住重  
見東林社裏人青眼畧容談近事白頭同喜得閑身自言  
此去尋思大便好乘時繼後塵

朱伯宣才英昆仲見過曲相慰藉因留飲得花字

新春窮巷幾傷嗟聯壁俄來照蒨家意厚旋傾新釀酒眼  
明初見未開花百尋自是松難老十襲終慙玉有瑕便覺  
賦成無用處漫勞憔悴歎長沙

題僧道符天遊齋

六鑿相攘不整休超然誰復與天遊醯雞甕裏自歌舞野  
馬臆間空贅疣妙境界從拈處得生涯湧向箇中求逢場  
作戲由來事可咲區、問觸發



姑溪居士後集卷第八

姑溪居士後集卷第九

律詩七言

除夜寄王性之

老戀窮年怯五更，  
可堪爆竹響新聲。  
但驚燈火如殘夢，  
豈有心情敵後生。  
錫鑊膠牙空對白，  
酒期分歲獨憐清。  
賜袍應有天香在，  
想見明朝奉九成。

又寄性之二首

一

霜髯雪鬢十分侵，  
舉盞常思蘇甲深。  
雖約依劉同漢上，  
猶虛訪戴似山陰。  
文章欲向傳家日，  
事業韋平奕世心。  
冰玉



姑溪居士後集卷第八

姑溪居士後集卷第九

律詩七言

除夜寄王性之

老戀窮年怯五更，  
可堪爆竹響新聲。  
但驚燈火如殘夢，  
豈有心情敵後生。  
錫鑊膠牙空對白，  
酒期分歲獨憐清。  
賜袍應有天香在，  
想見明朝奉九成。

又寄性之二首

一

霜髯雪鬢十分侵，  
舉盞常思蘇甲深。  
雖約依劉同漢上，  
猶虛訪戴似山陰。  
文章欲向傳家日，  
事業韋平奕世心。  
冰玉



相輝方自表何妨佳思屢追尋

二

平日鵷鷺接武中汪々每歎不能窮  
整煩朱轂圖遺愛方信清時是至公  
千載難期人物盛一時休歎馬群空  
何妨坐歎追陳迹應有新詩襲素風

聽惠師琴

牛鬪淹時兩耳昏偶陪沈祝共僧軒  
教聲抑按披香霧雙屣分明在曉原  
節物不堪催我老賞心聊復為誰論  
初年記得山陰舊又見夷中幾世孫

春日

芊芊芳草望中迷傳火樓臺麗日西  
飛絮輕翻遮柳陌落花亂點暗挑溪  
琉璃波淨沈渙素玳瑁簾疎阻燕泥  
百五良辰最蔥菁綠陰行馬避鶯啼

覺老來詩

江南江北久相望常負靈山一炷香  
會上拈花雖未咲坐中持鉢頭生光  
投針伎倆空諸有彈指莊嚴自一方  
何必湯池能離垢入門心地已清涼

覺老見和復次韻報之時兩行未得

去隴回岡翼兩傍舊緣來繼鶴林香  
隨時解致留客雨涉世能圓出定光  
運用投機疑有象緣橫垂手固無方  
倦遊



累接通宵話時覺揚枝洒面涼

真師約過寄老菴兩不止兩日不得往小齋

輒涉淖以契前約次其所示韻菴壁有孫莘老秦  
少游劉貢父諸君詩

一接深言一點頭離騷致處未為幽不嫌壞路客連步且  
欲他年作舊遊翰墨抑揚雖已晚林泉棲止會終收孤雲  
秭恐元無定候我歸來共此丘

次韻陳致君題朱砂湯

造化工夫豈偶然一池如沸自澄鮮論功但可資沐浴有  
理不須深究研流落未妨供淨社升沉何用較溫泉更宜

湯稼猶能就凡占餘波盡美田

同祖燈過陳氏書齋主人留飯遂求詩

一牛吼地得林垌邂逅經行眼暫明挾策讀書雖未暇殺  
雞炊黍喜相迎依人高柳來棲鵲烟、黃花弄晚晴自是  
主人能好事非閑秋日解多情

石磧朱希仲館穀甚勤因題壁間

主人好客久聞名曾約江魚對酒烹邂逅相逢同一笑  
逡巡不覺到三更屠龍手段元非策畫虎工夫浪有聲便欲  
與君論卒歲却憂舟子報潮平

清涼寺覺海召飯出數帖相示覽之愴然求詩為



記

潮去潮來知幾年依然城郭帶山川連虛玉骨元如虎布  
地金沙舊種蓮垂手鼎開香積供傳家仍是乳峯禪珠底  
月角人何在賴有遺蹤契宿緣

崇寧求詩時正老初住為初祖

烏衣人物已成空宰堦纔能記寶公請祝驟開新福地全  
提還振奮家風千巖日上春初到萬里雲收月正中款識  
投機無盡意江流入海幾時窮

范倅置酒兩花臺

流傳勝致有無間投老方能一倚欄千里江山來極目萬

家烟雨鎖初寒姦堆幾許埋茶菴笑語何妨擁蕙蘭便覺  
寸陰真可惜須將酒戶為君寬

寄趙仰止之

碩蓋逢君亦偶然塢荒今日似當年仙風宛是金華舊詩  
句分明歷水傳故國江山聊徒倚深燈歌笑屢遷延相思  
果許重相見豫約嚴裝報此緣

次韻邦老見賦

高風疇昔在烟霞末路芝蘭屬當家一句轉身元的確千  
條差路任紛華才疎意廣難契語款情真特見加只恐  
平明便分手相看更待月西斜



宿無錫壽聖院贈明祖禪老

靈山相別已多年重把圓光信有緣  
愧我天涯真斷梗喜君居處似諸天  
元無浮世多般事只說吾家一味禪  
軟語繆綢霜夜永停燈煨火共留連

元白拏舟相訪出紙求書因書此以歸其紙

小蓬不識遠相尋頓喜忘年得斷金  
便覺兩華隨脫屣更能操筆問來禽  
投懷方寄朱弦直慘袂還驚白髮深  
獨幸南遊慰真賞他年會見好叢林

同熙績姪登有美堂

雪晴時節臘窮天湖海光浮萬井烟  
勝槩尚能驚老眼曠

懷無復似當年難堪塞鴈終聯翼  
賴有龍駒特象賢已約一壘酒卜築  
不妨當此共遷延

錢塘教授宅飮眠齋次其韻

飢時嚙飯困時眠任運騰之信自然  
豈謂故人投此况先來佳處作閑仙  
富懷何必開三徑得句勝如食萬錢  
只恐里門驚內史不容同佔好山川

內史見石建傳

次韻錢塘節士見寄

平日剗心欵致君異時攜手但論文  
興來只有歸田賦老去何如背水軍  
占勝已驚無不盡卜鄰應許鎮相温  
形容豈敢輕酬酢謝傳風流自出群



阿濫堆二首

一

鐵作驕幢不易催望林誰免渴趨梅院門報鑰人初斷天  
氣纔陰日又開倦路已先衰髮雪思家難遣寸心灰衝風  
正起還飛下何物元非阿濫堆

二

年來未覺壯心催昨夜偏傷三弄梅不慣離家遽如許自  
然昏眼亦慵開蕭條寂寞思樗蔭紉繹華嚴謝却灰少味  
童山莫分別直湏直峭比離堆

食牛齋

西來誰為高牛心惜事拘文不敢尋豈謂鄰邦無百里驟  
令饒口得千金登臺未論前人比捫腹翻驚用思深從此  
乘陽休吊古便思白酒興同斟

元祐末宿秋試院曾和王敏父四詩是時以疾先  
出院方欲出而未得况味有類今日追用前韻再

賦四首

一

堦除又見日將斜若瓦奔馳尚可誇敢覲陰功鐘定國未  
應和藥困王嘉門前禱雨頻催鼓眼底無人但見花不比  
首聞當日銷病來有許便還家



二

蕪材莫作伊翁婦自鬻崎嶇不畏非妄役土龍寧得兩可  
堪芻狗強滕衣移文不報如沉井行路皆疑鎮掩扉早悟  
垂頭供立柱好隨四牡去駢々

三

沉々深鎖出無涯白盡于思豈復華准擬歸期叩端午邪  
知此地見葵花幽憂未論如陰府倏忽翻驚走電車久病  
元來最欺眼蠅頭只覺似棲鴉

四

十年三拜東門教長是尋燈濯汗裾贏得平安題報曆不

妨朋友校殘書

未引試前與敏父相對校書

歌傳鵲鼠非行露詠入鳥

孤愧大車物々背馳將老矣定知身世欲何如

若禠告行再寄二詩

一

前日報君明日行強憑詩句寫離情懸知北海經旬別酒  
滯韶山半日程環席已甘撓上首餘憂應不負同傾預期  
一笑東門外剝記樽前醉裡聲

二

醉裏新聲解記無祗應琴意似相如近來公道偏難得從  
此佳期敢妄圖王室金堂有阻隔兔葵燕麥恨扶疎真鴻



不比尋常鴈試覓蕭娘一紙書

卒章代子直意

陽翟道中有懷存之二首

一

頑陰將鴈襲衣構倦轡臨風愧白頭一事無成還歲晚百  
年過半尚人謀天邊謾鑄黃金印月下何時紫綺裘擬借  
東鄰分一徑未應人物謝羊求

二

夕陽風裏得君心常約清香帶月尋紅萼似披經幾嗅綠  
條如弄已難禁野狂不慣娉婷醉蓬鬢偏宜蓓蕾侵准擬  
歸時更浮動瓊樽寧謝十分斟

次韻梅花

一

送臘迎春亦是常獨高梅藥報年芳風來彷彿逢荀令月  
下分明見壽陽開編謾誇十種韻天然別是一般香從今  
漏泄東君意直到霜前菊葉黃

二

嶺上纔分一寸光群花次第促來粧絕勝群玉山頭見須  
信昭儀体自香妙賞不逢徒老去佳期難得為誰芳定應  
痒處無人會空怨相邀客姓王

智臣相遇成小詩智臣善談命



紺髮朱顏氣吐虹  
崢嶸頭角振家風  
千金自晦鄒王後  
一咲時遊管郭中  
老子已應終汨沒  
諸兒聊為指通窮  
他年朱紫相輝地  
莫惜高軒訪此翁

瑛侍者欲再遊方作此勉之

精神秀發真獅子  
聳壑昂霄似出林  
擊竹有聲先了悟  
拈花微笑已知音  
新詩老健疑摘錦  
妙字清奇不換金  
往往秋高又飛錫  
白雲來去本無心

姑溪居士後集卷第九

姑溪居士後集卷第十

律詩七言

有送梅花者而彥行適在君俞不來

來時點滴纔彷彿  
今日爛漫將飛揚  
春事不知尚多少  
客懷空自成悲傷  
新名候喜足詩思  
舊病維摩難藥方  
共歡節物冷相對  
少須陳子同飛觴

失題九首

一

結束輕裝趁曉風  
崎嶇行李偶難同  
他年誰謂衰成老  
今日翻為無是公  
祗恐穰侯遲見事  
固應原憲本非窮  
洛陽



紺髮朱顏氣吐虹  
崢嶸頭角振家風  
千金自晦鄒王後  
一咲時遊管郭中  
老子已應終汨沒  
諸兒聊為指通窮  
他年朱紫相輝地  
莫惜高軒訪此翁

瑛侍者欲再遊方作此勉之

精神秀發真獅子  
聳壑昂霄似出林  
擊竹有聲先了悟  
拈花微笑已知音  
新詩老健疑摘錦  
妙字清奇不換金  
往往秋高又飛錫  
白雲來去本無心

姑溪居士後集卷第九

姑溪居士後集卷第十

律詩七言

有送梅花者而彥行適在君俞不來

來時點滴纔彷彿  
今日爛漫將飛揚  
春事不知尚多少  
客懷空自成悲傷  
新名候喜足詩思  
舊病維摩難藥方  
共歡節物冷相對  
少須陳子同飛觴

失題九首

一

結束輕裝趁曉風  
崎嶇行李偶難同  
他年誰謂衰成老  
今日翻為無是公  
祗恐穰侯遲見事  
固應原憲本非窮  
洛陽



烟靄因緣在雞黍相期定不空

二

上番新梢與舊齊  
啄殘紅腐半成泥  
畫舫似覺去已晚  
麗句犹堪手自題  
氣候相催雖迅速  
笑歌贏得暫招攜  
紅舒綠卷紛前後  
全勝當年白集西

三

君方陵愈我慙郊  
大瓠為舟浪自腰  
老矣獨期雲駛便  
歸嶼長負桂叢招  
崢嶸紅橋迎風密  
點滴安榴掠望燒  
多謝萌滋永味便  
思飛步到揚寥

四

佳禽百轉不驚風  
午日漾々睡眼中  
幾片猶飛殘臘白  
數枝初見出牆紅  
低回節物憐遷客  
漂泊生涯難老翁  
多謝春光相擊拂  
一樽傾倒許誰同

五

窺豹曾容見一班  
孤高凜々固難攀  
早應拔宅朝元去  
猶有遺踪在世間  
舒歎款談雖可想  
賞風吟月未終閑  
諸郎莫為功名老  
須信移文下北山

六

映月臨燈萬萼披  
喜隨賓客燕芳菲  
諸姨隊合驪山曉  
獵騎夜從雲夢歸  
酒把玉觴酬勝麗  
徒勞彩筆強依倚  
回頭



便見飄紅雨莫惜頻歌金縷衣

七

映月西湖樣鴨頭隨紅飄日正飛浮遠師來自日邊路如  
我遂歸江上州嵩嶺異花開未遍洛城新燕語方柔經行  
須作半年計歸去當知難再求

八

薄雲疎雨洒雕籠槎拂銀潢月上弓紅淚半殘歌後燭翠  
濤低湧夢回風碎餘劍鏑雖為利解盡犀株未見通香  
芝田定何許斷魂無計脫驚鴻

九

華穰曾記孔鸞棲斷夢還來拂舊題妙悟從誰識無射賞  
心空自感唯電干雲齊氣層霄外埋玉孤墻落照西千載  
相逢定何許嗚風雨獨鳴鷄

聞葬者

鏡鏡高低與哭聲同尋此路不須驚年來自是多傷感簾  
外何須問晦明未返耕桑真拙計長縈韁鎖柰虛名無名  
可戀何貪着餅罄須休莫強傾

律詩 五言

過蒲池寺謁田承君

蕭寺經行舊騷人趣尚幽從來不妄許相見若為愁稅駕



終何地乘浮可共舟感君詩有味老去復誰求

子重見過夜話

坐久日將落窻前雲欲平倦遊淹歲月旅悶等坻京已謝  
長揚賦猶懷古劍行擁爐雖有味琢句苦難成一笑逢吾  
友諸方舊著名景山慙絕臆擊節愧深耕與妙窮三際豎  
剛敵萬兵誰知俯冬杪頓覺得春榮繾綣桑榆恨間閨兒  
女情金篋何足道閨室斗光明

三家店早飲主人似喜余至而庭下殘花猶在也  
酒客輒見避余固止之因得攬其醉態

一

再過三家店還投舊酒壚重攀紅躑躅爭認白髭鬚所惜  
自拘束無因同拍扶他年遂卜築終為伴歌呼

二

醉人休見避我恨未如君到了輸他樂何須強自分稻梁  
姑取足雞鶩謾離群上馬衝寒去回頭愧壘雲

次韻真師移植新竹

錦棚方有託粉面轉相疑漸露陵雲節微分弄月枝高僧  
開檻賞野客帶砧移只恐成龍去空來欵此時

宿湯泉示真師二首

一



睡美不覺曉  
蛇然猶恋床  
未能忘夜旦  
已自懶衣裳  
供佛添新水  
持經續舊香  
不知門外路  
何事有歸艎

二

粥後復就枕  
夢中還在家  
老身知自妄  
病厭事如麻  
漸覺同鷓鴣  
終當悟齊車  
何妨鷲直去  
細啜趙州茶

朱希仲設榻温室與直師榻相對明日雨止送過

金陵

居士留我宿  
虛堂照一燈  
如逢永平夢  
仍對竹蘭僧  
彷彿三無愠  
問閔百不能  
平明失簷溜  
歡喜話金陵

真師自湯泉相送至石磧遂歸崇詩為別

流落不我棄  
如君能幾人  
寧辭迂驛路  
且喜慰情親  
踰蹙還逢雨  
因循懶問津  
尤慙遠相送  
誰謂白頭新

石磧阻雨夜分睡覺枕上

一夜雨不止  
渡江還不能  
誰知未歸客  
獨自對孤燈  
祿食強作主  
生涯端是僧  
都來如一夢  
隨處且騰騰

遊石磧寺：僧以牌求詩

花石鑿風烟  
軒楹半似山  
門連虎溪路  
橋接趙州關  
屈曲深疑步  
高低屢解顏  
却應多事夢  
不伴此身閑

茅山道中抵莫投一客邸甚素雅主人喜客乃一

善士為待至厚既別留此致謝